

اللقاء) 10 (| شرح آيات " الله نور السماوات والأرض " |

#الليلة_التربوية | د. حازم شومان

حازم شومان

اللهم لك الحمد كله و لك الملك كله و بيدك الخير كله. واليک يرجع الامر كله. لبيک يا ربنا و سعدیک. والخير كله الخير في يدیک. والشر ليس اليک. انا بك واليک. تبارکت و تعالیت. استغفرک و اتوب اليک - [00:00:00](#)

اللهم صل على النبي محمد وعلى ازواجه امهات المؤمنين. وعلى ذريته وآل بيته انك حميد مجید. اما بعد فيتقاربوا في الله كده يعني الناس اللي سانده لو ضهرها مش تابعها ما حدش يسند يا جماعة. اللي يسند على الحيطه او على العمود بس اللي ضهره تابعه. اللي ضهره مش تابعه بقى نقرب من بعض - [00:00:24](#)

كده يعني عشان يعني الرحمة بتتنزل يعني ايه بازن الله سبحانه وتعالى كل ما بنقترب من بعض وكل ما بنجتمع مع بعض وكل ما بنتضيق مع بعض آآآ يعني بفضل ومنة الله سبحانه وتعالى آآآ انتهينا بعد اربع مجالس من ايات عباد الرحمن. والنهاerde هنبدأ جلسة قرآنية جديدة - [00:00:44](#)

بازن الله سبحانه وتعالى. يا ترى يا جماعة نختار ايه؟ يا ترى نبدأ في ايه من آآآ ايات كتاب الله في الوقت اللي النور بيقطع فيه على طول. عايذين النور يجي يا جماعة - [00:01:04](#)

عايزين النور يجي للأسف النور مش مقطوع بس من البيوت ومن الشوارع. يعني فيه انوار مقطوعة من كثير من القلوب والعياذ بالله. يعني عايذين النور يجي في قلوبنا عايذين النور يبجي عشان كده نتحدث عن قول الله نور السماوات والأرض. الله نور - [00:01:14](#) السماوات والأرض مثل نوره كمشكاة فيها مصباح. المصباح في زجاجة. الزجاجة كانها كوكب دري يوقد من شجرة مباركة زيتونة لا شرقية ولا غربية. يكاد زيتها يضيء ولو لم تمسسه نار. نور - [00:01:34](#)

على نور. هنتكلم عن اية المشكاة والآيات التي بعدها في سورة النور صفحة تلتيمية اربعة وخمسين صفحة تلتيمية اربعة وخمسين. اية المشكاة صاد تلتيمية اربعة وخمسين. طبعا بمصحف الملك فهد - [00:01:54](#)

اه في سورة النور اية رقم خمسة وتلاتين. اية رقم خمسة وتلاتين. يعني نستعين بالله سبحانه وتعالى ونبتدي احبابي في الله نبدأ نركز شوية كده احنا عايذين النور يبجي. لأن النور يعني قلوبنا مش منورة يا جماعة. قلوبنا مش مليانة نور الهدایة. الطريق قدامنا مش - [00:02:14](#)

واضح ما عندناش خط سير واضح للوصول الى الله سبحانه وتعالى. يبقى معناها ان النور مش موجود. عشان كده نتحدث عن قول الله اه نور السماوات والأرض. يا جماعة قال السلف من عرف الله حقا عبد الله حقا. من عرف - [00:02:34](#)

الله حقا عبد الله حقا. اللي عارف ربنا بحق و حقيقي هو اللي هيعبد ربنا بحق و حقيقي. يعني احنا دلوقتي في صلاة العشاء كل واحد خاشع على قد ما هو عارف هو واقف بين ايدين مين. على قد ما انت عارف انت واقف بين ايدين مين خشعت. فلما ربنا يقول الله نور السماوات والأرض. لو انت عارف من هو نور السماء - [00:02:54](#)

السماوات والأرض مش هتبقى العبادة بتاعتكم بالمنظر ده. ومش هيبقى الحال بتاعنا بالمنظر ده ان احنا نعرف اسماء الله الحسنى. ان احنا نعرف صفات الله يعني يقول لك ربنا علیم. يعني ايه ربنا علیم؟ يعني ايه علم ربنا يعني؟ يعني لو جبت علم الاولين والآخرين. لو جبت علم محمد بن عبدالله وابراهيم - [00:03:14](#)

الرحمن وموسى وعيسى واولو العزم من الرسل. وعلم المية اربعة وعشرين الف نبي ورسول على مدى تاريخ البشرية. وعلم شيوخ الازهر وعلم شيوخ السعودية وعلم الحكماء والفلسفه وعلم كل علماء الدنيا في جميع انواع العلوم وعلم جبرائيل وميكائيل واسرافيل - 00:03:34

كلمة حملت العرش وعلم الملا الاعلى وعلم اهل الجنة وعلم ملائكة السماوات السبع. لو جبت كل هذه العلوم وضربتها في مليار مليار كل ده ما يجييش قطرة في محيط علم الله سبحانه وتعالى. انك تعرف يعني ايه ربنا العليم؟ اينشتاين - 00:03:54 بسبب معلومة واحدة عرفها امريكا صنعت القنبلة النووية اللي نهت بها الحرب العالمية الثانية في تلت تيام. بسبب معلومة واحدة عملوا القنبلة النووية. يبقى العلم ده قوة مهولة. انك تعرف يعني ايه ربنا قال علیم. انك تعرف عظمة اسم الله العليم. انك تعرف قوة - 00:04:14

وقدرة ربنا يعني ايه ربنا القوي؟ يعني لو جبت قوة جميع القوى الكونية وقوة الجرم وقوة الطرد والكهرباء وقوة البترول وجميع الاقوياء وقوة الملائكة وجريل علمه شديد القوى. وقوة الملك اللي رقصه عند العرش ورجله في الارض - 00:04:34 وقوة الكون كله وضربتها في مليار مليار كل ده ما يجييش قطرة في محيط قوة الله ولا شيء اصلا. وفي محيط قدرة الله سبحانه وتعالى انك تعرف صفات ربنا. انك تعرف من هو الله. الله ده بيسموها في اللغة براءة - 00:04:54

انك انت تبدأ الاية بلفظ الحالة والقلوب مليانة رصيد الفطرة. فالقلوب لما بتسمع كلمة الله كانك بالزبط كده لمست الجرس اللي برة الباب. كانك بالزبط كده لمست قلب الانسان اللي بتتكلمه فينتفض القلب ان كان فيه خير. الله - 00:05:14 انت عارف من هو الله سبحانه وتعالى انت عارف لطف ربنا سبحانه وتعالى لما ربنا يقول لك ان موسى وهو بيترمى في البحر اللي رمتها امرأة انقاد انه من القتل على ايد جنود فرعون اللي هي امه واللي خدته وحماته امرأة اللي هي زوجة فرعون واللي خدته ورجعته لامه امرأة - 00:05:34

هي اخت موسى يعني لأن المعنى فرعون بيقتل الرجال. فرعون خايف من الرجال. طب انا هخلي الفتح ييجي على ايد النساء. طب انا اخلي اللي يشتغل النساء. طب انا اخلي النصر ينزل على ايد النساء. ربنا لطيف يا اخوانا. ربنا علیم. ربنا سبحانه وتعالى - 00:05:54

اي ان احنا نعرف من هو الله. من هو الله. نعرف ربنا حق المعرفة. لما نعرف ربنا سبحانه وتعالى حق المعرفة نعبد ربنا سبحانه وتعالى حق العبادة. من عرف الله حقه عبد الله حقه. ومن عرف الله مشي حاله - 00:06:14 قال لك عبد الله مشي حالك. اللي هيعرف ربنا يعني معرفة وخلاص اي معرفة هيعبد ربنا اي عبادة. فعلى قدر معرفتك لله على قدر علو عبادتك لله سبحانه وتعالى. الله نور السماوات والارض. كلمة الله. يعني ايه الله يا جماعة؟ حد يعرف يعني ايه الله - 00:06:34 ها اول معنى من معاني اسم الجلاله ايه؟ ها قول ولها الفضيل الى امه الحصان الصغرن لما كانوا يبدأوا بقى يفطموه عن امه. فيقعد يسهر يسهر. بینادي على امه من الشوق الشديد الحب والحنان - 00:06:54

الحب والشوق الذي تشتاق اليه القلوب. الذي تحبه القلوب. اه الذي لا تستغنى عنه القلوب ولا النفوس الله! طب ايه المعنى الثاني لكلمة الله؟ من الوله يعني المعنى الاولاني ان الوله الوله اللي هو شدة الحب والشغف. شدة - 00:07:14 صوت الوله ده اللي هو يعني لما حبيبه يبعد عنه يبقى مش داري بنفسه. فيقولوا انت مالك والهان كده ليه ما هوش داري بنفسه ما هوش داري باللي حواليه. مش عارف يركز مع حاجة. مش عارف يتفاعل مع اللي حواليه. الولا فده المعنى الاولاني. اللي هو - 00:07:34

الشوق اللي شاغلك عن الدنيا واللي فيها. ها طب والمعنى الثاني؟ الله. قالوا جه منين؟ ها؟ قال لك من آآآآ ما تحار فيه العقول. ها ما تحاروا فيه العقول. حيرة العقول - 00:07:54

ان العقل يختار في شيء. لما يكون العقل محترف في الشيء يعني قال لك ده برضو لغويها جاي من نفس المعنى. الله! طيب والمعنى الثالث قال لك من الالهة الالهة اللي هي العبادة والطاعة والخضوع. طب والمعنى الرابع؟ قال لك من لاه لاه لم - 00:08:14

الف هاء اي غاب واحتجب. طب يعني ايه المعاني دي كلها على بعضها بقى؟ الله هو الذي القلوب هائمة كن في محبته والعقول حائرة في عظمته. والجوارح منقادة في طاعته - 00:08:34

فهو المعبود بحب وتعظيم بالغيب. يبقى الرابع جذور اللغوية اللي العلماء قال لك ان كلمة الله بتنتهي يا اما الى الذي تستيقظ اليه القلوب. يا اما الذي تحار فيه العقول. يا اما الذي لا يرى الغيب الذي لا يرى يا اما - 00:08:54

الذي الذي يبعد ويخلص له. فلو جمعنا الرابع معاني هنلاقي لفظ الحالة معناه الله هو الذي قلوب هائمة في محبته. والعقول حائرة في عظمته. والجوارح منقادة في طاعته وكل ذلك بالغيب وانت لم ترى ولكن الفطرة اللي ربنا وضعها في قلبك. يبقى - 00:09:14

الله! يبقى انت لما تسمع كلمة الله ايه اللي بيتحرك في قلبك؟ ايه اللي بيرتكب في قلبك؟ الله دي كلمة السر في الكون كله عشان كده عشان ربنا يحفزك بتقول ايه ها بتقول باسم الله الذي لا يضر مع اسمه ايه شيء لا يضر مع اسمه - 00:09:44

بطولات المريخ وعايز ربنا يحفزك من اي حاجة هناك. كلمة الله تقولها باسم الله ربنا يحفظك. يعني معناها ان كلمة الله دي كلمة السر في كل الكون كله عارفها. الكون كله عنده ولاء لله سبحانه وتعالى. عشان كده غلام الاخذود يا اخواني. 00:10:04

لما الملك جه يقتله فضرب سهم فما جاش. قال له انك لست بقاتله. حتى تفعل ما امرك به. تاخذ سهم من كنانتي. ثم تقول باسم الله ايه ؟ رب الغلام. طب الغلام ده مين ؟ طب ما طب رب مسلا محمد رب احمد رب ابراهيم رب آآ لحسام - 00:10:24

ليه رب الغلام؟ ليه لما قال الله لم يذكر اسمه؟ لانه لا يعلو مع اسم لا شيء. فاذا ذكر اسم الله لا يعلو معه اثم. فلما قال له قل باسم الله ما قلواش ايه قل باسم الله رب احمد ما فيش خلاص - 00:10:44

اسم الله ذكر لا يعلو مع اسم الله شيء. عشان كده خاتم النبي عليه الصلاة والسلام ها آآ اللي كان بيختتم به تلاقي مكتوب آآ محمد رسول الله مكتوب كلمة الله فين فوق ولا تحت؟ الله فوق وبعد كده الرسول في النص ومحمد تحت. طب ليه؟ طب ده هي محمد رسول الله يبقى محمد فوق. لا اذا - 00:11:04

ذكر اسم الله فلا يرفع مع اسم الله شيء. خلاص الله لا يرفع مع اسم الله شيء عشان كده يوم القيمة النبي عليه الصلاة والسلام يقول لك الرجل اللي عنده تسعه وتسعين سجل سينات يتحطوا في كفة السينات. فتنطب كافة السينات فيجيبوا بطاقة - 00:11:24

لا الله الا الله فتحتبط في كفة الحسنات فتطييش السجلات. فالنبي عليه الصلاة والسلام قال لك ايه؟ ولا يثقل مع اسم لا هي شيء ولا يثقل مع اسم الله شيء. انك انت يبقى كلمة ربنا لا يعلو مع - 00:11:44

بالله في قلبك شيء ولا يرفع مع اسم الله في قلبك شيء. ولا يثقل مع اسم الله في حياتك شيء. كلمة الله في قلبك لها هذا القدر. كلمة الله في قلبك لها هذا الجلال. كلمة الله في قلبك لها هذه العظمة. كلمة - 00:12:04

الله! لما كلمة الله بتذكر يا اخواني انت تدخل في ولاية الله وفي حمى الله. عشان كده لما بتيجي في اذكار الصباح والمساء او بعد الصلاة وتقول لا الله الا الله وحده. وحده وحده. ودي سكينة بتديج كل ما سوى الله من قلبك - 00:12:24

واحدة ما فيش محبوب غيره. واحدة ما فيش حد يتخافف منه غيره. عشان كده لما انت بتقول لا الله لا الله وحده لا شريك له. انت بتتكلم مين؟ بتتكلم ربنا؟ لا بتتكلم - 00:12:44

قلبك بتتكلم قلبك انت بتدي درس خصوصي لقلبك الوعظي. انت بتقول لقلبك واحدة ما فيش غيره. ما تحبس حد غيره ما يباقاش لك وجهة غيره. ما يباقاش لك مقصود غيره. ما تعظمش غيره. ما تخافش من غيره. ما ترغبش الى غيره - 00:13:04

ما تقفش على باب غيره. فوحده دي سكينة بتديج بها كل ما سوى الله من قلبك. كل ده يا جماعة بتتكلم في لما الاية بتبدأ بكلمة الله بيسموها علماء اللغة براعة الاستهلال. انك بادئ بحاجة تشد الناس كلها اللي في قلبها خير - 00:13:24

اللي في قلبها تقوى. الله نور السماوات والارض. يعني ايه نور السماوات والارض؟ اي هادي اهل السماوات والارض. نور السماوات والارض اي منور قلوب اهل السماوات والارض. نور السماوات والارض اي ممد اهل السماوات والارض بنور الهدى. الموصى الى الله - 00:13:44

ونور العلم الموصل الى الله. ربنا اللي بينور لك يا ابني. القرآن نور. بس مش هتشوفه الا لو ربنا اللي نور لك. العلم والسنة نور بس مش هتشوفها الا اما ربنا اللي بينور لك. الله نور. الله المصدر الوحيد للنور في الكون كلها. كل زرة نور في قلب جبرائيل - 00:14:04
من هداية الله. كل نور في قلب ملك من ملائكة السماوات من هداية الله. كل نور في قلبنبي من الانبياء وولي من الاولياء والصديق من الصديقين مصدره الوحيد هو الله. فلا يوجد مصدر لنور الهدایة في الكون الا الله. الله نور - 00:14:24
السماءات والارض يعني لو عايز النور اقف على باب ربنا. النور قاطع الوقت. عند كتير او اي مننا النور قاطع في قلوب كتير مننا عايز النور اطلب النور من الله. قف على باب الله واسأله النور. الله نور السماءات والارض. لأن الآية بتقول لك - 00:14:44
بص بص لكل النور اللي في السماءات والارض. بص لجبرائيل وهو يبعد الله ليل نهار. بص لاسرافيل وهو ماسك السور وحاني رقبته قالوا الاف السنين حني رقبته. مستني امر من ربنا عشان ينفع فورا. آآ يعني عايز في وضع استعداد وممكن يكون لسه الف - 00:15:04

في الفين عشر تلaf سنة عشان لما يصدر الامر يبقى في سانيتها ينفذ الامر. بص لجبريل وهو عند سدرة المنتهى كالحلس البالي زي الانسان اللي ما لوش عمود فقري. زي القماشة القديمة المقطعة. من كتر الانكسار لله. بص للصديقين بص للشهداء اللي بس - 00:15:24

ذنبهم لله النور اللي في قلوب كل دول عشان يعملوا كل ده. النور اللي ربنا حطه في قلوب الصومامين عشان يصوموا. في قلوب عشان يقوموا في قلوب الذاكرين عشان يذكروا في قلوب المختفين عشان يختبوا. نور اليقين في زمن الشك. نور - 00:15:44
اخلاص في زمن الرياء. نور الصدق في زمن النفاق. نور نور في زمن العمى نور المقامات الاليمانية في زمن الشهوات والشبهات. كل النور ده ما لوش غير مصدر واحد. الله - 00:16:04

اه الله ان اذن ان ينور قلبك نور قلبك. وان لم يأذن قلبك هيفضل. زي ما هو عشان كده الجملة اللي في الاول دي يا جماعة الله نور السماءات والارض كلمة تشوشك. كلمة توقفك على باب ربنا. كلمة تجذبك انك ترتفع - 00:16:24
ايدك وتقول يا رب نور قلوبنا يا رب. يا رب املأ قلوبنا من نورك يا نور السماءات والارض. الله نور السماءات والارض. بعد كده طيب مثل نوره كمشكاة فيها مصباح. يعني ايه يا جماعة؟ يعني ايه مثل نورك مشكاة ايه المشكاة ديت؟ وايه المصباح ده - 00:16:44
والمصباح في زجاجة ايه الزجاجة دي؟ والزجاجة كأنها كوكب دري يوقد من شجرة. ايه الشجرة دي؟ ده بيسموه تشبيهه مركب. يعني ايه تشبيهه مركب يعني مجموعة من الحاجات كل حاجة منها حاجة اصلا. يعني المشكاة دي رمز الحاجة او تشبيهه حاجة. المصباح ده تشبيهه - 00:17:04

حاجة. الشجرة دي تشبيهه حاجة. الزجاجة دي تشبيهه حاجة. فانت لازم تفهم ايه التشبيهه ده عشان تقدر تفهم ايه المعنى اللي ربنا بيتكلم عنه سبحانه وتعالى؟ فربنا بيقول لك مثل نوره مثل نوره نور الله. يعني - 00:17:24
ربنا نسب النور ده لنفسه دلالة على عظمة هذا النور. العلماء قال لك اي مثل نور الله في قلب العبد المؤمن. ربنا هيكلمنا دلوقتي يا جماعة عن مصباح مصباح لو ربنا اداه لك ما فيش ضلعة هتبقى في حياتك. ما فيش شتات هيبقى في حياتك. ما فيش حيرة هتبقى في حياتك - 00:17:44

يا رب نور قلوبنا بالاليمان يا رب. اللهم نور قلوبنا يا نور السماءات والارض. ان ربنا ينور لك قلبك. ربنا دلوقتي عن وصف مصباح من اعجب ما يكون. المصباح ده تخيل لو بقى معك. طب المصباح ده تخيل لو بقى جواك - 00:18:04
اللي ربنا اداهم المصباح ده هم اللي بقوا الانبياء والصديقين والشهداء والولياء ان ربنا يديك مصباح ما تتوهش بعده معظم حتى الملزمين دلوقتي تايدين تايده مختار مشتت محبط مهوش عارف بيجي يمين ولا بيجي شمال انك انت - 00:18:24
او الناس في الشتات والتيه الله يديك المصباح ده ينور لك كل حاجة في حياتك. مثل نوره. بقى بص بقى المصباح العظيم ده اللي الاليات هتوصفه كمشكاة فيها مصباح اه المصباح في زجاجة الزجاجة كانها كوكب ها يوقد من شجرة. ايه ده! بتصوا يا جماعة عشان - 00:18:44

تفهم ايه ده! عايزين آآ حاجة من اتنين. يا اما نفتكر اللمة بتاعة بالليل ها؟ اللي كانوا بيسموها اللمة الجاز دي بتاعة القرى
زمان يا اما نفتكر الباباجورة. حاجة من الاتنين. اه اللمة كانوا بيحفروا لها حته في الحيطه كده. ويحطوا اللمة -
00:19:04
ها عاملة بالزبطة تعال نجيها الباباجورة. الباباجورة بيبقى لها صندوق كده بيحوط اللمة. اه حاجة كده محوطه اللمة. طيب ايه قيمة
ان بقى فيه حاجة محوطه اللمة؟ دي المشكاة اللي حوالين اللمة دي هي المشكاة. الصندوق الصغير ده اللي حوالين اللمة -

00:19:24

زي بالزبطة حته الحفرة اللي كانوا بيحفرواها جوة الحيطه زمان ويحطوا فيها اللمة. اه اللي مولعة بالزيت. طب ايه قيمة الحفرة ديت؟
زي ايه قيمة غطا بتاع الباباجورة ده قال لك قيمته انه بيكشف النور في مكان واحد. انه بيركز النور في مكان واحد. انه -
00:19:44
النور. طيب لو المشكاة ديت لو غطى الباباجورة ده مخرم. مثقوب مقطع هيحصل ايه؟ ها حد يقدر يقول لي هيحصل ايه هتفرق النور
النور هيفضل يخرج من الفتحات يطلع في كل حته فتيجي على الحته اللي اللمة انت عايز تركز النور عليها هتلاقى النور ضعف -

00:20:04

فيها. ليه؟ لأن النور تشتت. طيب لو شلنا الغطا بتاع الباباجورة ده نور المصباح هيخرج في كل حته فيتشتت. ها فانت لو نورت لمبة
فوق هنا في سطح في في سقف المسجد ها هتنور لك ايه في المسجد الموضوع كبير انما لما تكسف النور في مكان واحد بيبقى
المشكاة ديت ها ديت زي -
00:20:24

باباجورة اللي مكسف النور في مكان واحد. طيب بعد كده فيها مصباح ايه هو المصباح بقى ها؟ المصباح اللي هو ايه؟ ايه المصباح
في لمبة الجاز بتاعة القرى؟ وايه المصباح في -
00:20:44

باباجورة. اللمة لأ اللمة اللي هي الزجاجة. الفتيلة. الفتيلة بتاعة اللمة المصباح يعني لغة المصباح اللي هو الفتيلة. اللي هي الفتيلة
بتاعة لمبة الجهاز اللي انت بتولع فيها العوق الكبريت. تقوم مولعة نار. اللي هي الفتيلة بتاعة المصباح -
00:21:04
قطاع الكهربائي اللي هي لما بتتحرق في المصباح الكهربائي يقول لك اللمة دي اتحرقت. ها حتى لو كل حاجة باقية تانية سليمة. بيبقى
المصباح اللي هو الفتيلة طيب المصباح في زجاجة ايه هي الزجاجة؟ اللي هي الازازة بتاعة اللمة او الازازة بتاعة اللمة بتاعة القرى
زمان الازازة اللي حوالين الفتيل -
00:21:24

طيب يوقد من شجرة مباركة. يعني ايه يوقد من شجرة؟ من زيت شجرة. اه الزيت اللي هو بيتحط في الایه في الخزان بتاعة الفتيلة
زمان. اه اللي يعاد له الوقت ايه؟ في في الباباجورة الكهرباء اللي يعادله في الباباجورة الوقتي -
00:21:44
بس كده. احنا كده يا جماعة فهمنا التشبيه. فهمتم التشبيه؟ بيبقى ايه هي المشكاة؟ لو كلمنا عن الباباجورة عشان نركز مع بعض بس
ونفهمها لأن لو فهمناها هنخرج بمعاني كتير جدا. ها في الباباجورة ايه هي المشكاة؟ الغطا بتاع الباباجورة اللي بيكشف النور كله في
مكان واحد -
00:22:04

في مكان واحد تبص جوة كده الغطا تلاقي الدنيا متوجهة بالنور. طيب ايه هو المصباح؟ الفتيلة بتاعة اللمة. طيب ايه هي الزجاجة؟
الزجاجة اللي حوالين اللمة. طيب خلاص؟ طب ايه هو بقى اللي يوقد من شجرة؟ ايه هو الزيت اللي بيعد قولنا هنا؟ ده -
00:22:24
يا رب طب تعال بقى للمصباح بتاع زمان. ايه هي المشكاة؟ الحته الحفرة اللي جوة الحيطه اللي بيتحط جوة انتكاس في النور برضو.
طيب ايه هو المصباح؟ الفتيلة. طب ايه هي الزجاجة؟ الازازة اللي محاطة بالفتيلة. طيب -
00:22:44

شجرة من زى يوقد ومن زيت شجرة بقى بيكى الزيت اللي في الخزان ده. التشبيه ده يا جماعة بالنسبة لنا احنا ايه بقى بالنسبة لنا
احنا الى ان ربنا هنا مش بيكلمك عن اي حاجة. ربنا هنا بيكلمك عن اه مصباح في غاية العظمة زي ما هنوصل. ده -
00:23:04
اه يعادل عندنا ايه؟ المشكاة عندنا هي ايه؟ القلب لأن ايه بقى اسمها ايه؟ المشكاة الصدر. صدر انت طب المصباح عشان نوصفها
الواد ايه؟ لأن الازازة اهي ايه لما المصباح القلب؟ ايه -
00:23:24

الفترة المصباح الفترة اللي ربنا جواك. طب ايه الزجاجة القلب بيبقى فيه فطرة حواليها زجاجة اللي هو القلب والزجاجة اللي هو القلب
جوة مش كال هو الایه؟ الصدر. طب ايه الشجرة اللي بييجي منها الزيت اللي بيخلي المصباح ده منور -
00:23:54

القرآن لأمش الايمان. لأن الفترة على القلب على الصدر هو ده الايمان. ها انما الشجرة اللي بتجيبي الزيت اللي بيعمل وقود مستمر وانارة مستمرة هو الايه؟ القرآن عشان كده بعد ما ربنا قال كده قال ايه؟ نور ايه؟ على نور. يعني ايه نور نور؟ نور الايمان اللي في الفطر - 00:24:24

والقلب والصدر على نور القرآن الدنيا بقت نور في نور. كل حاجة نورت. فنزل نور القرآن على قلب متقض بالايمان فاصبح الانسان نور على نور ببقى المصباح ده اللي معه النور ده ما لوش حل. عشان كده يا جماعة تخيل لو صدرك - 00:24:44

بقى مش كاهم حافظة للنور. يعني ايه؟ يعني حضرتك بتحضر خطبة عن عظمه الله وجلال الله. تخرج حكم الخطبة حاسس انك عايز ايه؟ كسر الدنيا. الله العظيم.انا هافضل اذكرك يا رب ليل نهار.انا هاعبدك يا رب للنهار - 00:25:04

على بالليل ان شاء الله بكرة هشد حيلي ان شاء الله بازن الله. على تاني يوم عايزين نحضر درس تاني بقى يشحنا فصلنا يا عم الشيخ راح ده معناه ان ايه اللي عندك بايز؟ اه المشكاة اللي بتتكلف النور. معناه ان المشكاة عندك ايه؟ - 00:25:24

مخربة بايزة بتسرب. فالنور قاعد يتسرب يتسرب. فانت النور اللي جه جوة قلبك بعد ما سمعت درس عن ربنا او عن الجنة او عن النار يتسرب يتسرب. كل واحد بقى فيه واحد النور بيروح بعد ساعة. واحد بعد يوم واحد بعد تلات ايام. واحد بعد أسبوع كل واحد على حسب المشكاة بتاعته. احنا هنتكلم - 00:25:44

دلوقي عارفين العربية يا جماعة العربية لما بتدخل في في شركة الصيانة ها احنا هنتكلم الوقتي عن جهاز النور جواك. عشان نعرف ازاى صوم هزا الجهاد. بقى المشتهية الصدر الذي يحفظ النور. بقى وظيفة المشكاة ايه؟ ان النور ما يتشتت بعد - 00:26:04

بيقى المشكاه لو بايزة النور هيتشتت. عشان كده شف سيدنا موسى ها شف سيدنا ان شاء الله. شف سيدنا موسى عليه سلام. ربنا بيقول لي في سورة الشعراء ايه؟ رباني اخاف يقول لي ربنا اني اخاف. قال له ايه؟ كلا كلا هذا لا يكون ابدا. اولياتي انا - 00:26:24

احفظهم واحرصوا كلا ابني معكما اسمع واري. راح موسى لفرعون وقعد سنين واخذناه بالسنين في السنين وعدت سنوات وبعد كده جه بعد سنين طويلة. موسى راوح واقف قدام البحر الاحمر عايز يعدي - 00:26:44

وفرعون جاي بالسيوف بتاعته. فقال اصحاب موسى ان لمدركون راحت خلاص كلنا هندبح الوقتي. يا عم ده جه وقوات ومعهم امكانيات. يا عم راحت خلاص. قال كلا ان معي ربى - 00:27:04

جاب كلة دي منين؟ اللي ربنا قالها له من سنين لما قال له ربى اني اخاف قال ايه؟ كلا يعني المش ساعه سيدنا موسى النور اللي دخل فيها من عشر سنين ما خرجش. سمع عن ربنا كلمة خرجت زي ما هي بعد - 00:27:24

سنوات طويلة. قال له كلا ابني معكما بعد سنين ده دي في اول سورة الشعراء. اخر القصة في سورة الشعراء بقى انا لمدركون قال ايه؟ كلب فان معي ربى نفس الكلمة اللي ربنا قالها له. نفس الكلمة بالضبط ان انت قلب انت صدرك يحافظ على النور - 00:27:44

ان انت ما تقدرش تحتاج تسمع الف مرة عن ربنا عشان تحس بالعظمة. الف مرة عن الجنة عشان تحس بعظمة الجنة. الف مرة عن النار والقبر عشان تخاف قل ربنا الف مرة عن التوكلا عشان ييجي. الف مرة عن الاخلاص عشان ييجي. بقى ازا يا اخواني في الله ده معناه ايه؟ بقى المشكاة هي الصدر - 00:28:04

الصدر وزيفه الصدر ايه؟ حفظ النور. طب لو انت صدرك مليان بقى مليان تعلق بالدنيا وتفكير في الدنيا هيحفظ النور ازا خرب قاعد يصرخ. طيب ما هو المصباح؟ ايه هو المصباح؟ الفطرة - 00:28:24

يعني ايه الفطرة يا جماعة؟ الفطرة دي المصباح اللي منور جواك. ده ربنا سماه المصباح. المصباح اللي بيقلب الليل صباح. ده انت واد نور يقلب الليل اللي في الدنيا دي كلها صباح. بس انت اللي مش عارف قوة الفطرة الرهيبة. يعني ايه الفطرة؟ الفطرة يعني - 00:28:44

انت متبرمج اليها لو انت خدوك ساعه ما اتولدت رموك في جزيرة ما فيهاش مخلوق. ولا فيها تليفزيون ولا ازاعة ولا نت ولا كتب في اي حاجة. وطلعت لوحدك بدون اي مؤشرات تفسد الفترة بتاعتك. اول ما تطلع لازم هتسأل نفسك اسئلة برمجية - 00:29:04

اوتومناتيك اوتومناتيكيا هتسأل نفسك هو مين اللي عمل كل ده؟ لازم هتسأل نفسك ده ده لو لم تلوث في طبق الشباب عندنا لما بيكبر

لية؟ لأن النت والتليفزيون والمجتمع الفاسد لوسوا فطرته. إنما الفترة ده اوتوماتيك هتسأل نفسك غصب عنك الاسئلة دي -

00:29:24

مين اللي عمل كل ده؟ والسؤال الثاني مين اللي خلى كل ده يخدموني؟ ما هو كل ده بيخدمني أنا. الشمس دي بتنور لي والارض دي حملاني والبحر ده يجيب لي سmek مين اللي خلى وال الحاجة الثالثة طب هو اللي عمل لي كده يعني مراده -

00:29:44

مني ايه او يعني او لازم تبدأ تفكير. ها لأن ما هو مين الحاجة اللي بعد كده ؟ طب فيه بعد كده ايه ؟ طب انا دلوقتي بعد كده في ايه؟ لازم اوتوماتيك هتوصل. لو سألت الاسئلة دي وانت فطورتك سليمة هتصل الى الله والى عظمة الله سبحانه وتعالى. هتصل الى عظمة الله -

00:30:04

ممكن مش هتعرف ربنا يريد منك ايه. بيجي هنا الشرع. إنما الفطرة انت جوة قلبك بحر من حب الله. ومن تعظيم الله طبيعي. ربنا خالقه جواك. لو انت فطورتك دي ما اتطمسش عليها بالذنب هتفضل منورة. طب ايه رأيك بقى يا جماعة لو الفتيلة -

00:30:24

روءة. لو الفتيلة اتحلت قعدت تنور عود الكبريت مش راضية تلقط. الفتيلة بتاعتنا الفطرة بتاعتنا بقت عاملة ازاي ده الفتيلة المحروقة. عايزه تتجلى. عشان كده الطفل عامل زي الفطيرة اللي بالشمع اللي عليها سة. اول ما تكلموا عن ربنا -

00:30:44

القط على طول. اعظم تربية. بقى دي الفطرة. طيب المصباح في زجاجة. ايه الزجاجة؟ هي زجاجة يا اخوانا هي مش لغاريتمات في

حاجة حواليها حاجة حواليها حاجة في حاجة اسمها مصباح -

00:31:04

حلوة الفتيلة اللي هي الایه؟ الفطرة. حواليها زجاجة. ايه القلب حواليها مشكاة اللي هي الایه؟ صدر هو نفس الترتيب اصلا في الشكل. يعني هو نفس الترتيب يعني شكلها هتفهمها. مصباح فتيلة هو دي الفطرة. حواليها زجاجة -

00:31:24

طبع الناصعة ملساء جميلة بتاعدي النور ها اللي هو القلب حواليها مشكاة اللي هو الصدر. طيب الزجاجة ربنا شبهها القلب بالزجاجة ليه؟ لأن القلب زي الزجاجة الصافية الناصع. طب ايه رأيك بقى لو الزجاجة هبيت؟ اتملت هباب. الفتيلة الفتيلة -

00:31:44

محروقة والزجاجة هبيت. هتعدي نورا مش هتعدي نور. بقى احنا عايزين الزجاجة ايه؟ تتصنف. عايزين الزجاجة بتاعتنا فالقلب ده عامل زي الزجاجة الرقيق بس ربنا قال لك الزجاجة كانها ايه؟ كوكب دري دري قال لك الكواكب الدرية التي لا يغيب نورها من السماء

00:32:04 -

يعني الشمس على قوتها بتزهار وتحتفي بالليل. قال لك الكواكب الدرية لا يغيب نورها ليلا ولا نهارا. فكأن القلب ده نوره اربعة وعشرين ساعة وقال لك ذرية من الضر اللي هو الاحجار الكريمة. اللي بتدي اشعاع عظيم. قال لك القلب ده يعني مليان نور -

00:32:24

يعني اذا الصدر مش كاه حافظة للنور. والقلب زجاجة زي الكواكب الدرية اللي منورة السماء ليلا نهار في الفترة مصباح يقلب الليل صباح تخيل انت بقى لو انت من جوة كده هيبقى شكلك ايه؟ هيبقى حالك ايه؟ طب انا الوقتي -

00:32:44

المشكاة بتاعتي عاملة زي زي البتاعة المخرمة اللي بتغدو. طب القلب بتاعي عامل زي الزجاجة المهببة اللي ما بيعديش النور. طب الفتيلة بتاعتي عاملة زي الفتيلة المحروقة. طب ازاي اصلاح ده هي الایات جاية عشان تقول لك تصلاح ده ازاي؟ ازاي تصلاح ده؟ يوقد من شجرة -

00:33:04

المباركة يوقف اخطر فعل في الحياة كلها فعل يوغا. عارف يعني ايه يوقد؟ ها؟ عارف يعني ايه؟ اللحظة اللي الفتيلة لقطت النور فيها. فقامت متوجهة. قام الزجاج مولع النور ومكتره. ها قام -

00:33:24

حافظة النور ومكتفاه. اه من نور نازل على الجوارح بقى بطل من الابطال بتجرى في الدعوة. بتقوم الليل نص الليل بتتصوم يوم ويوم بتذكر الله للنهار. بتتفق بتتصدق بتضحي عشان ربنا. بتتجاهد في سبيل الله -

00:33:44

بتطلب العلم هو ايه اللي حصل له ما كانش كده الفطيرة الفتيلة نورت. الفتيلة لقطت عشان كده لفظ يوقد لفظ يوقد لفظ يوقد ده اخطر فعل في حياتك. ان الفتيلة تلقط. يحصل الالتقاد. عشان كده الایة اللي بعدها ربنا -

00:34:04

بيقول لك ايه في ايه في بيوت في بيوت اذن الله الكفرا. ايه اللي في بيوت؟ المساجد. ايه اللي بيحصل في بيوت العلماء وقفوا قدام
كلمة في بيوت قال لك في بيوت دي تعود على ايه؟ يعني يعني انا الاية قبلها بتقول الله نور السطر ماشي - 00:34:24

بعد كده بتقول في بيوت هو ايه اللي فيه بيوت؟ فالعلماء قال لك يوقد في بيوت دي عملية الايقاض يعني قال لك ان الفعل ده
بيحصل فين؟ في المساجد. يعني قال لك هزا التفاعل العظيم بين - 00:34:47

نزلت الشجرة المباركة وبين المصباح هذا التفاعل الذي يؤدي الى الاكتفاض وتوهج النور يحدس في المساجد. تدخل المسجد وانت
مطفي. تدخل المسجد وانت تايه. تدخل المسجد وانت محبط. تدخل المسجد - 00:35:07

وانت الدنيا سودا قدامك. تدخل المسجد وانت ما انتاش عارف تعمل ايه. تعبد ربنا صحي في المسجد. تحصل عملية كود تخرج من
المسجد تنور الدنيا دي كلها للناس. عشان كده عملية يوقد بتحصل في المسجد. عملية الاتقان - 00:35:27

قاد التفاعل العظيم ده بيحصل فين؟ في المسجد يبقى الایات بتربطيك بالمسجد. الایات بتعرفك قيمة انك قاعد الوقت بتسمع درس
في المسجد نفس الدرس ده لو سمعته برة المسجد مش هي بيان له نفس تأثير المسجد. قيمة ان يبقى لك اوراد عبادة يومية في
المسجد زي جلسة الضحى مسلا. قيمة - 00:35:47

انك انت تقد في حلقات القرآن والتحفيظ في المسجد. قيمة ان احنا جلساتنا تبقى في المسجد. قيمة ان بيئة الایمان تبقى في
المسجد قيمة انك لما الدنيا التوه معك وتلاقي نفسك اتشتت وتلاقي الامور ضاقت عليك وكريات في الدنيا والدين تقوم داخل -

00:36:07

للمسجد متوضي ومصلني في المسجد. عشان كده النبي عليه الصلوة والسلام لما لقى الصحابي قاعد في المسجد مالك يا رسول الله
كريات وديون فقال له قل اللهم انت ربى اللهم اني عبدك وابن عبدك وابن امتك ايه؟ آننا ناصية يدك الحديث اللي اخره. يبقى الصحابي
لما حس بمشكلة كبيرة على فين - 00:36:27

المسجد جري على المسجد جري على بيت الله سبحانه وتعالى. جرى على بيت الله يبقى يوقد يبقى ده اعظم فعل في حياتك. فعل
ده اللي احنا يا جماعة جايين ندور عليه. الفعل ده هو اللي انت جايين النهاردة عشان هو اللي انا جاي النهاردة عشانه اصلا. هو اللي انا
باتكلم في القرآن - 00:36:47

عشانه اصلا هو اللي احنا قاعدين نحضر دروس ونطلب علم ونحفظ قرآن ونصلي ونعبد وندعو الى الله كل اللي احنا بنعمله ده
ونصوم ونتصدق كل ده عشان الفعل ده يحصل كل ده لهفة على ان ده - 00:37:07

صل على ان الفتيلة بتاعتك تلقط وتقوم منورة. والنظام النوراني اللي جواك يتوجه. فربنا يديك هزا تصباح العظيم فتعيش الدنيا
وانت معك القلوب الرباني ده. ما عادش فيه متأهله ما عادش فيه حيرة. ما عادش فيه شتات - 00:37:27

ما عادتش الطاعة تقيلة على قلبك. ما عادش ما انتاش عارف يمين ولا شمال. ما انتاش عارف يا رب اعمل ده ولا اعمل ده. بقت الدنيا
كلها واضحة قدامك ده لو حصل فعل ايه يوقد عشان كده يوجد جت بالفعل بضمير الفعل المضارع عملية مستمرة ان لما بتثور يا ابني
ان شاء الله بازن الله - 00:37:47

اه طول ما انت متصل بالشجرة المباركة النور هيفضل طول حياتك. طب يوقد من ايه؟ شجرة مباركة. ايه الشجرة دي بقى الصدر
بتاعك. انا عايز اربى الصدر ده ينضف. اه. وعايز القلب ده يا رب الاذارة المهببة دي تتصنفر. وعايز اربى الفتيلة المحروقة - 00:38:07

دي تتجلي وترجع تاني في طيرة في الفتيلة بالايده بالزيت بالدهن اللي عليها. عايز يا رب الدنيا تتوجه يا رب. يبقى يوقد ايه؟ تضحك
الفاتورة! يا عم طب رح هات لي فطار انا قاعد الفتورة فطيرة رح هات فطيرة بدل ما تضحك. فانت فيمكن الواحد لما يكون بيفكر في
حاجة سبحان الله بتدخل في - 00:38:27

في بعضه يعني مع انه ما بيفكرش في الفتورة والله. انا ممكن اكون مفكر في البط في في الحمام في انما الفطير ما فكرش في ده
مش بتاعنا فطيرة مش بتاع الكلام ده يعني - 00:38:47

انا بتاع ما اقل حجمه آالمهم المهم الا لو الا لو فطيرة ايوة بالايده الحاجات الهر اللي بتتحط جواها كده يا رب اللهم ارزقنا وانت خير

الرازقين. اللهم انا نسألك الفردوس الاعلى - 00:38:57

يا ترى البيتسا بتاعة الفردوس الاعلى بقى شكلها يا جماعة؟ ها والكريبات بتاعة الفردوس الاعلى بقى. يا عم كريبات ايه يا غلابة!
الفردوس الاعلى يا عم هنأكل فيها عيش. ها - 00:39:17

الواحد مستني يدخل الجنة ان شاء الله ويقول له يا رب عايز عشر خوفان. اصل الواحد الحمد لله والشكر لله يعني مريض ما باكلش
لحمة او اي يعني يعني فالولد نفسه ايه خروف كده وتيجي تاكل حنة دهن يقول لك الكوليسترول والشرابين بتاعة القلب هتتسد يا
عم والله ما وكيله خلاص - 00:39:27

تيجي تاكل لحمة البيريك اسيد والحسوات بتاعة الكلى وهيجي لك في هتترسب الاملاح الاليورات في في في كلتك وفي كعبك
وفي ركبتك خلاص مش عايزين يا عم خلاص. تيجي تاكل آآ يعني يعني اكل بقى نشويات وتفتح يا عمي هتتختن - 00:39:47
يا عم خلاص مش عايزين ناكل. يبقى اما ندخل الجنة نعمل ايه؟ هنأكل يا رجاله. معرض تروح الجنة هناك وان شاء الله فين اول اكلة
هتتقدم في الجنة ايه؟ اللي هي بيسموها في الدنيا ايه؟ استاكوزا بقى يا عم اللي بيسموها ايه؟ بحرية - 00:40:07
بحريات اول اكلة في الجنة يا اخواننا بحريات. انت تعرف تدخل تاكل يا عم ديع كباب او امرك لله اربعين خمسين جنيه مسلا. تعرف
انما تعرف تروح آآ محل بحريات وتفتح بجد. ها انت جعانيين ولا والله كلنا ذلك - 00:40:27

الحمد لله والشكر لله. في اول اكلة في الجنة بحريات يا اخواننا. زيادة كبد الحوت يعني يعني ده حاجة بحرية ربنا يصبرنا على الدنيا
دي لحد ما تخرج منها على خير. والله يا اخواننا فعلا الدنيا سجن المؤمن اللي اللي يفكر في الجنة كتير - 00:40:47
اتخنق من الدنيا. يعني يعني ما يطقوش الدنيا اصلا يحس ان هو عايز يعني طب يا رب اعمل ايه عشان اموت وادخل الجنة واخلص
من الدنيا دي؟ يعني اللي يفكر اصل الدنيا - 00:41:07

دي حاجة خناقة يعني قمة الخناقة. فاللي يفكر في الجنة كتير فعلا يعرف يعني ايه الدنيا سجن. فعلا يبقى عامل بالزبط زي اللي في
السجن. مش مصدق يتحكم حكم عليه يتحكم له بالافراج. في عمل زي حرامي ابن ملحان كده لما اتطعن ما بصش مين اللي طعن؟ يا
عم انا اللي قاعد في سجن. وواحد قام كاسر حنة من الجدار. هبص مين اللي اتكسر - 00:41:17
هجري اجري يا عم فزت ورب الكعبة. الحمد لله يا عم بلا دنيا بلا بتاع بقى. فاحنا ده ده الاكل ده غير الحور العين. قصة تانية خالص.
الحريم هتزعـل. ايه؟ الحريم هتزعـل. هو في حريم - 00:41:37

حد يتأكد لنا يا اخواننا. في حد هنا له اخت او زوجة او حاجة؟ في هنا حريم؟ طبعا الحور العين دي لها مراتك بتاعة الدنيا حبيبتك
بتاعة الدنيا. يعني فالهمهم يا اخوانى في الله احنا كنا فين يا جماعة؟ احنا كلنا بنتكلم عن ايه - 00:41:57
يوقد من شجرة مباركة. هو ده اللي مصبرني على الدنيا والله. هو ده اللي مصبرنا على الدنيا. يوقد من شجرة مباركة. ايه هي الشجرة
دي فيه بقى القرآن طب ليه ربنا ما قلش يوقد من زيت شجرة؟ رغم ان الشجرة ما بتتحطش على المصباح ينور. ده الشجرة -
00:42:17

تتعصر بطريقه معينة والزيت بيتحط فالزيت ينور. ايه بقى الشجرة؟ شدة التصاق القلب بالقرآن كأن من القرآن للقلب مباشرة انك
انت يبقى فيه صلة مباشرة بين قلبك وبين القرآن. ناس يقول لك - 00:42:37

لازم تدرس التفسير عشان تحاسب القرآن. اوعى اوعى تظن ان الفلاح اللي قاعد دلوقتي بيحرث في الارض ما يعرفش
يقرأ ولا يكتب ما يقدرش يحس بالقرآن اكتر منك ويبكي منه. اومال انا بزاكر تفسير ليه؟ وباحضر آآ جلسات تدبر قرآن ليه؟ عشان -
00:42:57

تبقى من اهل القرآن. ده انت ارتقى بقى في المقام. انما اي انسان ممكن يعيش مع القرآن. هو الكلام فيه حاجة يا جماعة؟ هو انا لما
اقول لك فيه تونن اذن الله ان ترفع ويدرك فيها اسمه. يسبح له فيها بالغدو والاصال. هو الكلام ده يحتاج حد يشرحه لك؟ الكلام -
00:43:17

ها الكلام ده يحتاج قلب الكلام ده يحتاج زجاجة نضيفة. ما هيش مهبة بالمعاصي. ما هيش مهبة بالشهوات محتاجة مش كسليمة

مش مخرمة بالشيهات. محتاج فترة بالشمع اللي عليها ما هييش محروقة - 00:43:37

من كتر والعياذ بالله الذنوب اللي نكتت عليها. واللي نكتت على الزجاجة بتاعة القلب. الكلام ده محتاج واحد سليم يا جماعة. عشان يحس ويعيش معك يوقد من شجرة. طب القرآن يتسمى شجرة ليه ؟ يتشبه بالشجرة دي. دلوقتي ربنا قال من شجرة ايه مباركة ايه

زيتونة ايه؟ لا ولا لا شرقية ولا غربية ايه؟ يكاد زيتها يضوء لو انت بتتمسي نار خمس مواصفات للقرآن كل صفة من دول لها علاقة بالقرآن. ايه علاقة ان القرآن يشبه بالشجرة - 00:44:17

لیه القرآن یشبه بالشجرة؟ ما هو زیتونة ما هو هیطلع زیتونة وكلامک ده صح. بس احنا دلوقتي بنتكلم ان خلاص وقتها زیتون. لیه ایه الشجرة الشعاع كل اللي انتم فلتتوه ده جميل جدا جدا بس - 00:44:37

الشجرة ابرز صفة فيها ايها ؟ ترابط كل اجزائها مع بعض . هي الشجرة دي حبت متقطعة الترابط ان كله ها بيتنمي لاصل واحد اللي هو الصلاة . وان كل الفروع متربطة مع بعض ، ان هم مية واربعين تشر - 00:45:07

صورة انما الترابط ما بين القرآن وبعضه. عشان كده اعجاز الترابط الموضوعي في القرآن. ما بين كل سورة والسورة اللي بعدها حجاز ازاي ؟ يعني سورة النحل وسورة الاسراء يقول لك ايه العلاقة ما بينهم مسلا ؟ فيقول لك ها كل اخر سورة مترابط مع اول السورة اللي بعده - 00:45:27

اخر آية في سورة النحل ايه؟ ان الله مع الذين اتقوا والذين هم محسنون او قل ايه في سورة الاسراء؟ سبحان الذي اسرى بعده ليلا من المسجد الحرام: يعني ايه؟ اخر النحل ربنا قايل للنبي انا معك. طب ايه المعيقة دي - 00:45:47

الترجمة العملية للمعية ايه ؟ رفعوا سبع سماوات. ووداه في الاسراء يوم الانبياء. يبقى اول سورة الاسراء تطبيق عملي لآخر سورة النحر طيب اول سورة النحل علاقته باخر السورة اللي قبلها اللي هي الحجر ايه ؟ ها اول اية في النحل اتي امر الله فلا تستعجلوا.

واعبد ربك واعبد ربك حتى يأتك اليقين. يأتيك في اول النحل اتي امر الله. جاي جاي اهو. فلا تستعجلوه فازا الترابط ما بين كل اخر

00:46:27

القدر بعدها سورة القدر انا انزلناه في ليلة القدر. ليه؟ لأن سورة العلق بتتكلم لما انت كنت حتة علقة سنتي ونص متعلق في جدار الرحمن علقة ما لهاش اي قيمة. سورة القدر ملائكة السماوات نازلة لك. بقى لك قدر. ايه اللي حولك من علق لحاجة الكون كله بيحتفل بها - 00:46:47

سؤال انا انزلناه بسبب نزول القرآن. يبقى القرآن هو اللي خلى لك قدر. يبقى انت علاقه بس اللي خلى لك قدر في الكون ايه؟ قرآن
فانت على قد اتصالك بالقرآن على - 00:47:07

اللَّكَ أَيْهُ ؟ طَبْ لَوْ قَعْدَنَا نَتَكَلَّمُ فِي الْقُرْآنِ كَلَّهُ مِنْ أَوْلَهُ لَأَخْرَهُ بِلَا إِسْتِسْنَاءِ يَا جَمَاعَةً. بِلَا إِسْتِسْنَاءِ. سُورَةُ الْفَاتِحَةُ وَسُورَةُ الْبَقْرَةِ. التَّرَابِطُ
الَّتِي بَيْنَهُمْ أَيْهُ ؟ احْنَا فِي الدُّورَةِ هُنَا شَارِحِينَ سُورَةَ الْفَاتِحَةِ فِي تِلْتِ مَرَاتٍ. التَّرَابِطُ الَّتِي بَيْنَ الْفَاتِحَةِ وَالْبَقْرَةِ أَيْهُ ؟ أَيُّوْهُ مَا شَاءَ اللَّهُ فِي
الْفَاتِحَةِ بِتَقْوِيلٍ - 17:47:00

اها البقرة ٥٥ - ادعاء ادعاء - 00:47:37

الا حكمك عن الاحكام
البقرة ١١١ - العادات ١١١ - تقويم ١١١ - الدبر ١١١ - طيب ١١١ - الفاتحة ١١١

يبقى البقرة هي بناء بناء الاسلام. انما ال عمران يتكلّم عن ايّه؟ النص الاولاني الشبهات بتابعة النصارى ضد الاسلام. والنص الثاني

السيف غزوة احد اللي جايين يدوا الاسلام. يعني سورة ال عمران بتقول لك ان وانت بتبنيوا البناء بتاع سورة البقرة اهل الباطل مش هسيسيوكم. هيجا يوكم بالشهوات وباللهه - 00:48:17

هیسیوکم. هیماریوکم یالشیهات ویالایه - 00:48:17

وبالسيف فسورة ال عمران بتقول لك اهل الباطل لا يمكن هتسبيوك وتقدعوا تبنوا من غير ما يحاولوا يقطعوا عليكم الطريق. فسورة القدة كيف تبني وسورة ١١ عمران كف لا تهدم كف تحم ما شاء الله الكلام الكبير ده ما شاء الله - 00:48:37

البقرة كيف تبني وسورة آل عمران كيف لا تهدم كيف تحمي ما شاء الله الكلام الكبير ده ما شاء الله - 00:48:37

طب سورة البقرة كيف تبني وال عمان كيف تهب. عشان كده كان ايام سنة سبعة وستين ها آآآ كان آآ طبع بقى كلام ايه لا صوت يعلو وفوه، صوت الابه؟ المعركة كا، امكانات الدولة عشان، الحرقة، اتلغينا ف، فدخلنا ف، حاجة اسمها ايه؟ حرب الاستنزاف سنتين، ها.

هيل ست سنين. الاستنزاف حرب؟ ايه اسمها حاجة في اغلبنا. عشان الحرق ادخلنا في المعركة؟ ايه صوت فوق؟ هل
هينفع لا صوت اهله فوق صوت المعركة - 00:48:57

هينفع لا صوت اهله فوق صوت المعركة - 00:48:57

ست سنين الناس لا تأكل ولا تشرب ولا تعيش في امان ست سنين فطلعوا شعار تاني اسمه ايه؟ يد تبني ويد ايه؟ تحمل السلاح. ها اهو سورة البقرة يد تبني ويد ايه؟ لا صوت يعلو فوق صوت المعركة. ده احنا بنتعرض

اهو سورة البقرة يد تبني ويتدحم السلاح. نهني انما سورة ال عمران ايه؟ لا صوت يعلو فوق صوت المعركة. ده احنا بنتعرض

ل��ب اباده - 00:49:17

ازاي انك انت فيه فترات هتتجي عليك ازمات شديدة؟ لازم كله يقف مع الدين فيها. طب كان المتوقع بعد البقرة وال عمران؟ السورة اللي بعدهم يبقى اسمها سورة ايه؟ هي الصورة اللي بعد البقرة وعمران سورة ايه؟ النساء. طب انت لو بدماغك كنت تتوقع

00:49:37 - حاصله ؟ ها رجاء سودة ابهه سوده السيدة عمران و القدرة بعد ان

لبيه؟ لأن البقرة وال عمران عايزة رجاله. هو مين اللي هيطبق المنهج المهول ده بتاع البقرة وال عمران الا رجاله؟ ها؟ فجات سورة

النساء انت مب: يا ابن تعالك يا ابن انت سارة انت انت بتعمما ايه؟! شاء الله يعذ لم يحكم: واحد معنا الله - 00:49:57

بقرة وال عمران عايزه رجاله واللي هيبني الرجاله هم الاليه ؟ هم النساء. اوعوا تهملوا دور النساء في البناء. اوعوا تهملوا دور النساء في البناء. هات لي اي

الكتاب المقدس - العهد القديم - العهد الجديد - المقدمة - المحتوى - المراجع - طباعة

في القرآن ايه العلاقة بينهم؟ سورة الفاتحة بتقول ايه؟ اهدا الصراط المستقيم. طلب الهدایة. سورة الناس بتقول لك ايه؟ قل اعوذ برب الناس ملک الناس يلاقي الناس من ايه؟ من شر الوسوس الخناس اللي هو الا اقعدهن لهم ايه؟ صراطك المستقيم. ها اللي هو

00:50:37 - قاعد لك فصوص

سورة الفاتحة هي طلب الهدایة وسورة الناس هي طلب الوقاية. فسورة الفاتحة يا رب عرفي الطريق المستقيم. طب ما هديت فيه. طب الشیطان يا رب احیینی منه عشان اعرف اکمل. فما بین طلب الهدایة وطلب الوقاية القرآن کله. جای. هات یا عم ای سورة فی

القرآن واى سورة من اللي بعدها واللى قبلها اعجز - 00:50:57

يُوقَدُ مِنْ شَجَرَةِ الْقُرْآنِ دَهْ شَجَرَةُ التِّرَابِطِ. وَالشَّجَرَةُ بِتَرْجِعِ لِسَاقِ وَاحِدَةٍ بِتَرْجِعِ لَاصِلِ وَاحِدَةٍ. مَهْمَا لَفِيتُ فِي الصُّورِ الْمَيِّةِ

واربعناشر سورة بيتكلموا عن موضوع واحد. اللي هو ايه؟ عظمة الله. اسماء الحسنی. اتكلم عن اسماء الحسنی. بتتكلم عن جلال الله.
يعني انت ما - 00:51:17

00:51:17 - انتها

يعني وهذا من معجزات القرآن المهولة. ان يا جماعة يعني لو جبت مسلا ايه اه تعالى مسلا يقول لك ايه الشاعر الفلانى مسلا الكبير

قوى قوى لها لقينا له قصيدة في الآيه؟ وهو طالب في الجامعة او هو في سانوية عامه - 00:51:37

لما بتقارن القصيدة دي بقصيدة بتاعته عنده خمسين سنة بتلاقي فيه فرق ولا لأن؟ فرمهول قافل نضج وفي الحبكة الشعرية وفي الصنعة في العروض وفي كل حاجة لازم الانسان تجارب الحياة بتغير فيه. يعني مسلا يقول لك الداعية مسلا داعية كبير فضيلة

الشيخ محمد حسان، فيقول لك ده احنا لقينا كلمة للشيخ حسان وهو في سنوية عامه - 00:51:57

انت متوقع لما تلاقي له كده في سانوية عامة هتلاقيه بيتكلم دلوقتي نفس القوة العلمية نفس المثانة نفس النضج الفكري نفس التصريح الواضح نفس مش ممك: هتلاقي دى ذى دى - 00:52:17

التصور الواضح نفس مش ممکن هتلاقي دي زي دي - 17:00:52

اوه تلاقی اه ممکن بیقی فیه حاجات حلوه بس ایه ممکن تقدیم تضییح کیا! ده کان صغير کیا! ده کان مش عارف ایه! فانت انما اول

اية في القرآن لآخر اية نزلت في القرآن قمة النضج. قمة الفهم قمة الاعجاز البلغي والعلمي والأسلوب والفكري - 00:52:27

والنبي ما فيش فرق. من اول اقرأ لحد وليكتب. من اول القراءة اية القراءة لحد اية الكتابة من اول اول اية نزلت لآخر اية نزلت اعجاز. بل اول اية في القرآن نزلت اقرأ وآخر اية نزلت القرآن وليكتب. ها هي وما قبلها وانقوا يوما ترجعون فيه الى الله -

00:52:47

ها يبقى اذا ده ما بين القراءة والكتابة جاية قرآن يعني ده كتاب علم. يعني تحس ان فيه ترابط اصلا من اول اية وآخر اية شجرة. شجرة قمة ترابط قمة الترابط ما تلاقيش اية بتتكلم في موضوع في سورة تقوم قاعد تيجي في صورة تانية بتتكلم تضرها. ما فيش كله بيتكامل مع بعضه. قمة - 00:53:07

الترابط كله اصل واحد فهذا من اعجاز القرآن المهول شجرة ولو فهمت انت بقى الترابط اللي ما بين القرآن ده تفهم بقى عشان كده معظم قال لك ايه؟ الايمان ايه؟ ايه؟ شعبه. شجرة وطلع منها بيضة وصابون ايه؟ شعبه. كأن الايمان ده كله حاجة واحدة. وما بين -

00:53:27

الاعمال الصالحة كلها في ترابط وكذاك الايه؟ قرآن. طب دي شجر مباركة. ايه بقى مباركة؟ يعني انت بترمي بزرة اه مسلا برتقان تبقى شجرة تطلع لك كل موسم خسمية برتقانة مسلا. معي او مية برتقانة مسلا بقى البركة انك - 00:53:47

بزرة فايه البركة بقى بتاعة القرآن ان انت اللفz الواحد ممكن تخرج منه بالف استنباط ان انت الكلمة الواحدة تخرج منها بالف معنى.

ان انت الاية الواحدة تلاقي فيها اعجاز علمي. واعجاز آآآ - 00:54:07

ایمانی وروحی واعجاز نفسي واعجاز لغوي واعجاز بلاغي واسلوبی وتركيبي واعجاز في الالفاظ واعجاز الكلمة الواحدة تمسكها في القرآن عالم عالم مهول. الكلمة الواحدة بس تمسك الاية بعض المفسرين تلاقيه يمسك الاية ممكن يعمل لك كتاب في اية - 00:54:27

كواحدة مباركة انك تعرف ان الاية الواحدة ممكن تخرج منها بفوائد تصلح بها علاقتك بمراتك. وفوائد تعبد بها ربنا وفوائد تعرف

تدخل منها الناس في الدعوة وفوائد لما الدين يقوم في المجتمع يقود المجتمع. الاية الواحدة ملية فوائد. الكلمة الواحدة.

تعالوا نجيب اي كلمة في القرآن. اي - 00:54:47

اي لفظة في القرآن اي حاجة في القرآن هتلaci تعال هات اول اية في القرآن اقرأ باسم ربك الذي خلق. ادي اية انما انت ممكن تخرج منها بايه؟ ها؟ قولوا له كده - 00:55:07

ممكن نخرج منها بايه؟ ماسي ان الدين بتاعنا ده اول حاجة فيه اقرأ جميل وترجع منها بايه؟ معرفة علام وترجع منها تاني بايه؟ هو النبي كان اعرف اقرأ. قوم مرة بقى بيقول له اقرأ ازاي؟ تكليف فيما لا يطاق لا يبقى معناه ربنا لو تولاك اللي ما كنتش تعرف تعمله. واللي ما كنتش بتقدر عليه هتقدر عليه - 00:55:17

يبقى ولایة ربنا وايه كمان؟ اقرأ ايات الله الايه؟ قرآنیة. اقرأ القرآنیة. الذي خلق خلق ايات الله الايه؟ كونیة. يبقى اول قل اية في القرآن اتكلمت عن القرآن والكون اللي هم اعظم بابين للوصول الى الله. ده من اول اية لسة. طيب اقرأ فعل ايه؟ امر لمجموعة ولا واحد - 00:55:47

واحد طب وبعد كده قم الليل وقم فانذر لفرض ولا المجموعة؟ لفرض. على ما جت يا ايهما الذين امنوا النبي تعب قد ايه؟ يبقى تعرف انك في الاول لازم هتستعمل لوحشك. ولازم هتشيل لوحشك لحد ما هيطلع صحبة الايمان اللي تمشي معك في الطريق. يبقى من اولها وطن النفس على العشاء - 00:56:07

لما يبجي اقرأ قم الليل قم فانذر اوامر تكاليف. ليه؟ لأن انت عندك مكانتين جواك. مكنته الفطرة النفس مكنته الفطرة بتاعة القلب دي نايمة خالص ما فيش حاجة مشغلالها عاملة زي العربية اللي بقى لها سنة ما ضارتش. ومكنته النفس بتاعة الرغبات والشهوات. وانا عايز وابقى - 00:56:27

كثير والناس تبص لي ويبيقى لي موقع ويبيقى معي دنيا واتجزو اجمل النساء واعمل الشهوات اللي انا نفسي فيها. مكنته النفس شغالة شغالة. فالقرآن نازل في الاول عايز تنيم مكنته النفس ويقوم مكنته القلب. فيبيقونهم بايه؟ بالعمل مش بالكلام. اقرأ قم الليل قم

فانذر. يبقى انت في بداية علاقتك - 00:56:47

ربنا تقدر تسمع كلام وبس ولا لازم تجتهد في العمل الصالح؟ تجتهد في العمل الصالح. عشان مكنة النفس تنام ومكنة القلب العربية اللي بقى لها سنة ديت ما بتدورش ديت - 00:57:07

اية مش هتدور بسهولة تدور. طيب اقرأ باسم ايه؟ ربك مش باسم الله. طب ليه لفظ الربوبية في الاول؟ ها؟ ليه لفظ الربوبية اللي كل حب وكله عطاء في الاول. تحبيب. اه باسم ربك الذي لو قعدنا نتكلم يا جماعة اه لو قعدنا نتكلم ما فيش يا ابني - 00:57:17

فانت الاية الواحدة ممكن تخرج منها بخمسية حاجة في طريقك الى الله. وفي دنيتك وفي حياتك ومع مراتك ومع ولادك. يبقى ادا شجرة مباركة لفظ الواحد الكلمة الواحدة الحرف الواحد. الحرف الواحد تخرج منه بالف فايدة. بالف فايدة. شجرة زيتونة -

00:57:37

بالزيتون ليه بقى؟ الزيتون كله خير جميل. ده حتى بيقول لك الغابات اللي فيها شجر زيتون بتاعها نضيف يعني الهوا بتاعها غير الهوا بتاع ايه الاشجار الثانية يعني ماشي جميل وايه كمان الزيتون كله خير والخشب بتاعه كله خير - 00:57:57

والثمار بتاعته كلها خير بس فيه حاجة في القرآن نفسه ها؟ ازاي بقى جميل جدا ما شاء الله جميل جدا. ان ربنا ايه اه ما هو جميل

بقي تشبهه زيت الزتون في ايه؟ ربنا يقول لك وشجرة تنبت في طور سيناء وشجرة تنبت تخرج في طور سيناء تنبت - 00:58:17

انتم ايه؟ بالضهر وصيغ للاكلين. فقال لك ايه الصيغ ده؟ فقعد بقى علميا يقول لك مش عارف مادة الايه اللي بتدي اللون بتاع الجلد.

المهم صيغ من الاكل. فربنا لما اتكلم عن - 00:58:47

القرآن في سورة البقرة قال ايه؟ قال لك ايه؟ قال لك ايه؟ صيغة الله صيغة الله يعني لأن القرآن صيغة لكل حاجة في حياتك. بيصبح قلبك وحياتك ورؤيتك ونظرتك وحوارك بيفير لك كل حاجة في حياتك. صيغة وانا لما بصيغ آآ بنطلون في رجل بتتصيغ ورجل

ألا - 00:58:57

الاتنين كل حاجة بتتسابغ فيك. ها زيتون بيصبح كل حاجة في حياتك. زيتونة لا شرقية ولا غربية لا ولاء لا ولاء. يعني ايه لا شرقية ولا غربية؟ يعني حتى الحريري في المقومات بتاعته سمي شجرة الزيتون شجرة لا ولا. يعني ايه كورونا يقول لك لا شرقية -

00:59:27

يا وله غريبة ايه بقى لا شرقية ولا غربية؟ قال لك وسطية القرآن ده. اعتدال الدين ده. اعتدال الدين. ان الدين ده لا هو ماشي كده ولا تشدد ولا فيه تسيب. وقال لك ان الحاجة اللي لا شرقية ولا غربية النور عليها اربعة وعشرين ساعة. الشمس من اول ما بتطلع لحد ما بتغرب عليها. فبتكون انضف - 00:59:47

فيكون في عظمة الدين ده يكاد زيتها يضيء ولو لم تمسسه نار. ايه معنى الكلام ده بقى يعني ايه من غير ما تجيب عود كبريت وتحطه على الفتيلة. الزيت منور لوحده. هو ايه الزيت - 01:00:07

ايه الزيت؟ القرآن والسنة. القرآن. الدين ده الاسلام. ده الزيت. ده معاني هزا الدين ده عظمة هذا الدين. طيب وايه النار ديت؟ ها؟ قلبك انت بقى اللي اللي نور فيك - 01:00:27

الايه؟ الزيت ده وبقى منور. طب يعني ايه يكاد زيتها يضيء ولو لم تمسسه نار؟ هو دلوقي المسلمين يا جماعة ها منورين ولا مطفيين بالنسبة للغرب لما بيصوا على المسلمين ها يقولوا الله اكبر ما شاء الله على الاخلاق وعلى التقدم وعلى ولا بيصوا على المسلمين كده يقولوا - 01:00:47

الناس دي عايشة ازاي اصلا الناس دي طاقة نفسها ازاي؟ ها بيقى احنا ايه؟ بيقى يعني اخت اه يعني يعني كندية بتقول لزوجها انا يعني ايه عندنا في كندا السنت بتشتغل وتحط فلوسها بتاعة شغلها كلها مع جوزها - 01:01:07

هو يصرف على البيت ولو فضل حاجة ممكن يدي لها وممكن ما يدي لهاش. فهو مستغرب يعني ده الكلام ده في كندا يا سلام! احنا اللي بيوصل لنا يعني ان هناك - 01:01:27

الستات يعني متنططة يعني والدنيا ما هيش كده خالص يعني ها قال لها طب امال اللي احنا بنسمعه ده ايه؟ قالت له ده اللي

بيصדרوه لكم عننا انما ده مش حققتنا - 01:01:37

ده مش ايه ده مش حققتنا ده اللي بيصدره لكم عننا. فاحتا يوقد من شجرة يكاد زيتها يضيء ولو لم تمسسه نار. هل احنا يا جماعة نموذج حسن الاسلام هل احنا ام؟ امال برة بيسلموا ليه؟ رغم ان ما فيش نار ما فيش نماذج اصلا - 01:01:47
قدوة الناس دي تنبر بها الناس زمان انبرت بخالد ابن الوليد فاسلمت. انبرت بعمر ابن الخطاب فاسلمت. انبرت بابو بكر الصديق فاسلمت. انبرت مصعب بن عوف اسباب آآالمدينة كلها انبرة. انما انت مين فينا مبهر اصلا؟ مين على اخلاقنا ومعاملاتنا واحوالنا والعياذ بالله - 01:02:07

آآمال برة علماء برة بيسلموا ليه؟ امال مفكرين برة بيسلموا ليه؟ امال سياسيين برة بيسلموا ليه؟ امال حكماء برة بيسلموا ليه؟
ها يكاد زيتها يضيء ولو لم تمسسه من غير نماذج بشرية تتحرك بهذا المنهج القرآن نفسه منور - 01:02:27
اللي هياخد عشان كده مشروع جريتيس قرآن اللي هو القرآن بلاش يعني يعني كنا شغالين فيه في العالم بفضل الله سبحانه وتعالى ايام بقى ايام فضائيات كان المعدل كل اربعة بيتهدى لهم المصحف واحد بيدخل في الاسلام. كل اربعة بيقروا المصحف واحد بيدخل في الاسلام - 01:02:47

عشان كده ايامها سينا خالص طباعة الكتب بتاعة الدعوة والاسلام وبدأنا نعمل ايه؟ نتبع المصحف باللغات المختلفة ونبعث. ها من خلال جمعية تبليغ الاسلام طبعا فانك انت يكاد زيتها يضيء ولو لم تمسسه نار عظمة هذا المنهج نور على ايه؟ يا نهار - 01:03:07
ابيض احنا عدينا قوي نور على نور هنف عند هنا يا اخواني ان شاء الله انا كان نبتي ان انا مش هشرح الاية دي في الاول.
انا كان نبتي ان انا هدخل الاول بقول الله - 01:03:27

ففي بيوت اذن الله ان ترفع ويذكر فيها اسمه. قلت الدخلة دي صعبة شوية. ها آآآاحنا وقفنا مع ايات الله ونور السماوات الارض دي يا جماعة قلنا النور مقطوع يا جماعة. النور مش مقطوع من البيوت الوقتي بس. النور مش مقطوع بس كل شوية النور يقطع ونقدر وربنا يستر والصيف داخل. ربنا - 01:03:37

ربنا يسترها على مصر يا رب. ربنا يفرج كربات اهل مصر يا رب. اللهم امين. اللهم امين يا رب. ها؟ فانت فاحنا قلنا عايزين النور
بيجي جوانا. فقلنا هنتكلم عن ايات الله نور السماوات والارض. روعة الایات دي في ايه؟ ان الایات دي واحنا ماشيين معها هتقول لك
اسباب النور بيجي في - 01:03:57

حياتك ازاي؟ انت عايز حياتك تنور؟ عايز قلبك ينور؟ عايز النور يملئ حياتك في زمان الظلمات. هو اللي عملوه
دول هو الشيخ فلان الصح ولا الشيخ فلان؟ هو الموضوع الصح ولا الموضوع ده؟ هو الجماعة الفلانية الصح ولا الجماعة دي؟ هو
الصح كان مش عارف يعملوا ايه في في رابعة ولا باتاع ولا بيعملوا ايه؟ هو - 01:04:17

جوهان ضلعة شبهات كروهات الدنيا مش منورة طب احنا عايزين الدنيا تنور الوقت احنا مش عارفين نرضي ربنا ازاي؟ نوصل
لربنا ازاي؟ فخدنا اية المشكاة اية الله نور السماوات والارض - 01:04:37
خدنا الایات اللي بتتكلم ازاي النور ده بيجي في حياتنا واتكلمنا النهارده بس عن وصف المصباح. اللي لو جه نور ربنا في حياتك
هيبقى معك المصباح ده - 01:04:57